



La cascada da Piomogna

La cascada da Piomogna po valair sco simbol dal vegl Faido avant las fusiuns, ma er sco simbol da la nova vischnanca che cumpiglia tut ils lieus da la Media Leventina. Ella cumpara per l'emprima giada sin ina litografia dals onns 1830, cura che la chapitala da la Val Leventina è daventada ina destinaziun turistica apprezzada grazia a la construcziun da la via da Chiasso fin al Gottard e grazia a l'avertura da l'Albergo dell'Angelo l'onn 1824. Il grond svilup dal turissem a Faido hai dà durant la Belle Époque, suenter la realisaziun da la Viafier dal Gottard. En il vitg è vegnids construids numerus hotels e diversas chasas da vacanzas en il jugendstil. L'onn 1889 è vegnida messa en funcziun en la vischinanza da la Piomogna l'emprima ovra idraulica dal chantun per illuminar las plazzas e las vias dal vitg. Da quel temp valeva quai sco attracziun turistica. Oz attiran la cascada ed il guaud da tieus dals conturns bleras excursiunistas e blers excursiunists durant la stagiun da stad, in segn che la vischnanca s'orientescha vers il futur.

Vischnanca da Faido